

**Жақсыбайкөл негізгі мектебінің «Мектеп парламенті» өзін-өзі басқару ұйымының
2023-2024 оқу жылының атқарылған жұмыстарының талдауы.**

Жақсыбайкөл негізгі мектебінде білім алушылардың өзін-өзі басқару органдарын дамыту тұжырымдамасы негізінде 2023-2024 оқу жылында «Мектеп парламенті» өзін-өзі басқару ұйымы жоспары құрылды.

1.Парламент мақсаты:

балалар мен жастардың табысты әлеуметтенуі және өзін-өзі тиімді жүзеге асыруы үшін жағдай жасау, сондай-ақ туындайтын мәселелерді білім алушылардың өз бетінше шешуі үшін мүмкіндіктер жасау.

2.Парламент міндеттері:

- 1) білім алушылардың шығармашылық белсенділігін және өз бетінше әрекет етуін іске асыру;
- 2) білім алушылардың құқықтары мен мүдделерін қорғауға, оның ішінде білім беру, әлеуметтік-тұрмыстық және олардың мүдделерін қозғайтын өзге де мәселелерді шешуге көмек көрсету болып табылады;
- 3) білім беру ұйымының басшылығына білім беру және ғылыми міндеттерді шешуде, білім алушылардың бос уақыты мен тұрмысын ұйымдастыруда, салауатты өмір салтын насихаттауда көмек көрсету;
- 4) білім беру ұйымдарына білім беру және тәрбие процесі шеңберінде өткізілетін іс-шараларға көмек көрсету;
- 5) білім беру ұйымының рухы мен дәстүрлеріне патриоттық қатынас жасауға, білім алушылардың санасын және олардың өз білім деңгейіне талап етуін арттыруға, мүлікке ұқыпты қарауға тәрбиелеуге бағытталған жұмыстар жүргізу;
- 6) білім алушыларды білім беру ұйымының қызметі туралы хабардар ету;
- 7) қазақстандық қоғамды дамытудың нақты күші және стратегиялық ресурсы ретінде балалар мен жастар туралы қоғамдық пікірталастыруға қатысу;
- 8) балалар мен жастардың қоғамдық маңызы бар бастамаларын іске асыруға көмек көрсету болып табылады.

Парламент қызметі өңір мен білім беру ұйымының ерекшелігін ескере отырып айқындалатын басқа да міндеттерді шешуге бағытталған. Фракция мүшелері жыл бойы өздеріне міндеттелген іс-шаралар атқарды.

Парламент құрылымы 8 фракциядан тұрады:

Құқық және тәртіп фракциясы

Ақпарат фракциясы (мектептің баспасөз қызметі)

Спорт және салауатты өмір салты фракциясы

Өзін-өзі тану және бақыт фракциясы (психология)

Қамқорлық фракциясы (еректілік)

Мәдениет және спорт фракциясы (мұнақала, көркем шығармашылық)

Дәріт қозғалысының фракциясы

Экология және еңбек фракциясы

2023-2024 оқу жылының қазан айында парламент президентін қайта сайлау іс-шарасы жүргізілді.



Қазақстан Республикасының білім беру ұйымдарында «Мектеп парламент» білім алушылардың өзін-өзі басқару органдарын дамыту тұжырымдамасының орындалуын қамтамасыз ету мақсатында мектебімізде 2023 жылдың 21 қазан күні мектеп президент сайлауы мектеп оқушылары және педагогикалық ұжымның қатысуымен өткізілді.

Сайлау ережесіне сай Мектеп Президенттігіне 5 үміткер ұсынылып, олардың бағдарламалары алдын-ала мектеп оқушыларына таныстырылды. Сайлауға мектеп оқушылары мен ұстаздар қатысып, өз дауыстарын берді.

Қыркүйектің ішінде «Мектеп парламентінің президенті» лауазымына үміткерлерден ұсыныстар жиналып, әр үміткер өз бағдарламаларын дайындап мектептің инстаграмм желісіне салды. Сыныптардағы өзін-өзі басқару ұйымын сайлауы болды.

1 қыркүйек «Алғашқы қоңырау» білім күні салтанатты жиын болып өтті.



25 қыркүйек күні «Менің құқығым» тақырыбымен Өзін өзі басқару ұйымының мүшелерімен сайыс өтті. Әр сынып белсенділері Қазанның бірінші аптасында «Ұстаздар күніне» арнап видео құттықтаулар дайындап интернет желісіне жіберді. Мектеп парламентінің мүшелері 25 қазан Республика күніне құттықтау видеоларын дайындап интернет желілеріне салды.



21 қазан күні мектебімізде Мектеп парламентінің президентін сайлауға арналған іс шара болды. Оқушылардың ойынша, үлкендерге көмек қолын созған, қажет кезде қастарынан табылу көңіл толқытар іс.

Қарашала айында «Біз зорлық зомбылыққа қарсымыз» сурет көрмесі, құқық органдарымен кездесу, «Құқығым бар» деген тренинг болды. Мақсаты: балалардың мүдделерін қорғау кемсітушіліктерді болдырмау, ой пікірін еркін білдіре алу қатыгездіктен құтыла алу.

6 қазан күні келе жатқан Ұстаздар күніне орай «Дублер күнін» Мектеп Парламентінің фракция мүшелері басқарды.

Қазанда Мұғалімдер күніне "Дублер күні" іс-шарасы ұйымдастырылды. Бұл күні жоғары сынып оқушылары, ересек өмірге барыныша жақындатылған шынайы жағдайда, яғни, мектептің бір күндік оқу-тәрбие үрдісін жауапкершілікпен ұйымдастырып, барлық әкімшілік жұмыстарын өз мойындарына алды. Ұлағатты ұстаздардың көңіл күйін көтеру мақсатында бір орысша және бір қазақша сыныптары ұйымдастырылып, мұғалімдер

ұжымы бөліп отырғызылып төрт түрлі пән сабақтары жүргізілді. Мерекелік-концерттік бағдарлама ұйымдастырып, ұстаздарлы құттықтау іс-шараларын өткізді.

30 қараша күні Өзін-өзі басқару ұйымының мектеп президентінің 1-отырысы өткізілді. Осындай отырыстар бір тоқсанда екі рет өткізіледі. Ақпан айында Парламент алдымен Досболіке акциясы басталған еді. Бір айы бойы мектеп оқушылары акцияға белсенді түрде қатысты. Әр үністе Өзін-өзі басқару ұйымы ойындар, сайыстар өткізіп, желіге салынған еді. Алтыншы ақпанда Досболіке достық қолын ұсын акциясы аясында "Спорттағы достық" (ұлдар арасында) "Досболіке" достық қолын ұсын акциясы аясында көтеріңкі көңіл-күй сыйлау болды. Наурызда ұлттық киімді насихаттау мақсатында "Ұлттық киім-ұлттық құндылық" өткізілді.

Өзін-өзі тану және бақыт фракциясы көшбасшысымен «Қайырымды жүрек!» атты Қарттар күніне арналған мектепшілік акция өткізді. Оқушылар мектеп уақытынан кейін қарттарға көмек көрсетті. Спорт және салауат өмір салты фракциясына арналған күндерінде «Салауатты өмір салтын ұстан!» тақырыбында 1-9 сыныптарда қызықта спорттық сайыстар өткізілді.



Қазан айында «Жемқорлық індет, жою міндет» тақырыбына сай дөңгелек үстел болды. 1 наурыз -алғыс айту күніне орай «Алғыс айту-адамзаттың асыл қасиеті» атты акцияда бір біріне рахмет айту тапсырмалары болды. 1 Мамыр – бейбітшілік күніне орай «Ынтымақ – достық кепілі» деген тақырыбына сай мектеп қабырғасында концерт кеші өткізілді. Концертке мектептің барлық сыныптары қатысты. 9 мамыр Ұлы Жеңіс күніне арналған іс-шара «Ұрпаққа ұран болған Ұлы Жеңіске» атты іс-шаралармен сап түзеу жиыны өткізілді.

Аға тәлімгер: Жайлыбаева Базаргүл Бакдаулетовна